



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1732. usque ad annum 1734

Fleury, Claude

August. Vind. [u.a.], 1785

VD18 90119339

§. 2. Parlamenti sententia contra Ejusdem Archiepiscopi edictum.

[urn:nbn:de:hbz:466:1-67683](https://nbn-resolving.org/urn:nbn:de:hbz:466:1-67683)

Zelo Apostolico sese maledicis ejus-
 modi rapsodiis veritati, Religioni & Sæc. XVIII.
A. C. 1732.
 charitati tantopere injuriosis opponere
 debuissent. Ex his circiter viginti
 septem erant, qui ausu prorsus indigno
 non modo, uti ab Archiepiscopo jussi
 erant, ejusdem decretum ac censuras
 e suggestu promulgare detrectarunt,
 sed aucta etiam temeritate remisso ad
 Pastorem suum decreto palam adver-
 sus illud protestati, suamque agendi
 rationem vindicare conati sunt. Ob-
 stupuit Archiepiscopus ad horum au-
 daciam; spe tamen fretus, Viros scien-
 tia & prudentia præditos facile ratio-
 num pondere & moderationis via ad
 officium redigi posse, ad petitionem sui
 Promotoris aliud decretum ad eos
 transmisit, vi cuius ipsis denuo injun-
 ctum, ut censuram ab Archiepiscopo
 pronuntiatam promulgarent: Attamen
 hi in sua pervicacia obfirmati, ut cen-
 surarum severitatem declinarent, ipsum
 Præfulis sui decretum apud Parisiense
 Parlamentum denuntiarunt.

§. II.

*Parlamenti sententia contra Archi-
 episcopi Parisiensis edictum.*

Horum Sacerdotum causam ac pro-
 tectionem a Parisiensi Parlamento

A 2 suscipi,

Sæc. XVIII. fuscipi, non minus inexpectatum,
 A. C. 1732. quam ridiculum esse videbatur; post-
 quam enim illud tanto Regiæ Majesta-
 tis Zelo, tam solemnibus publicæ severi-
 tatis apparatu tantoque justitiæ studio
 in has novellas paulo ante sævierat,
 quis sibi vel per somnium persuadere
 potuisset, quod illud ipsum Parlamen-
 tum eodem adhuc anno infamium ha-
 rum pagellarum vindices esse vellet,
 easque contra legitimum suum Pasto-
 rem, qui illas unico die serius proscri-
 psit, toto auctoritatis suæ pondere
 propugnare dignaretur: Nihilominus
 toto Regno spectatissimus hic Senatus
 vel contradicendi, vel suam jurisdic-
 tionem in Ecclesiasticos extendendi pru-
 rigine incitatus, non sine maximo fa-
 ctiosorum jubilo, & proborum offen-
 sione Archiepiscopi Parisiensis edictum
 ac censuras ceu nullas irritasque de-
 claravit, ac suppressit: Utebatur hoc
 obtentu, I. tam Regis, quam Parla-
 menti statuta, quibus anno priori de
 Constitutionis negotio agi vetitum,
 Archiepiscopali decreto fuisse violata,
 perinde acsi ipsum Parlamentum im-
 positam silentii legem non æque pu-
 blicisuo edicto prius violasset. II. Inter-
 minata anathematis pœna libertates
 Ecclesiæ Gallicanæ labefactatas fuisse.
 III. Archiepiscopum sibi in profanum
 ac

ac civile Regimen potestatem arrogasse, eoquod edicti sui executionem Regiis Administris demandasset.

Sæc. XVIII.
A. C. 1732.

§. III.

Ludovici XV. Galliarum Regis indignatio contra Parliamenti ausus.

Haud latuit Regem tam Sacerdotum rebellio contra suum Archiepiscopum, quam usurpata Parliamenti jurisdictione in res sacras; cum ergo suum quoque edictum, quo has novellas eodem tempore proscripserat, vilipendi, & Parliamentum, quod tamen ejus mandatis obtemperare, eaque fideliter exequi debuisset, in ipsa Regia jura involare cerneret, graviter inde commotus, primo Parliamenti Præsidi, aliisque duobus Præsidibus significari iussit, ut ad diem octavam Maij Compendium venirent, Regis iussa percepturi: Comparent illi præstituta die, & Rex per Aquessoum Cancellarium suum illis denunciabat, se probe instructum esse de tumultibus, qui ob Parisiensis Archiepiscopi mandatum hucusque in totius Regni Metropoli concitati fuissent, facilius esse mala futura prævenire, quam præsentibus remedium afferre, hinc sibi firmum fixumque esse,